



МИНЕА

ДОПОЛНИТЕЛЬНАЯ

Выпуск 1



ИЗДАТЕЛЬСКИЙ СОВЕТ
РУССКОЙ ПРАВОСЛАВНОЙ ЦЕРКВИ
МОСКВА 2008



По благословению
Святейшего Патриарха Московского и всея Руси
АЛЕКСИЯ II

МЕСЯЦА СЕНТЯБРЯ В 11-й ДЕНЬ

Преподобнаго отца нашего
Силуана Афонскаго

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, возвах: стихиры праздника на 3
и святаго на 5, глас 5:

Приидите, людіе Божіи,/ с лики святых и Ангел
составим духовное торжество,/ в нем бо Церковь
земная божественно с Небесней ликовствует:/
ныне верный делатель вертограда Приснодевы
Богородицы/ во Иерусалим горний приемлется/ и, яко
муж желанный,/ у Престола Божия славою и честью
венчается,/ радость спасения нам предвозвещает, //
егда горением любве его ко Господу воспламенимся.

Приидите, Матере Божия сподвижницы/ и постни-
ческаго жития ревнителие,/ со пустыннолюбцы Горы
Афонския/ трапезы Божественныя сопричастницы бу-
дем./ Ныне Пречистая Мати Божия/ Силуана, подвиж-
ника нова и предивна,/ егоже диавол искаше поглотити,
спасла есть,/ и Церкви Небесней на радость приведе,/ и,
яко фимиам благовонный,/ молитвенника тепла
за нас у Престола Божия постави, // венцем лепоты
неувядаемая увенчана.

Приидите, монашескаго подвига щедролубцы,/ во-
станите, уневестившиися Христу,/ да Силуана бого-
мудреннаго,/ подвигом равноангельским украшена,
узрим,/ и сему, козни вражия победившему, радую-
щемуся, возопиим:/ радуйся, родителей благочестивых

Минея дополнительная. Выпуск 1. — М.: Издательский Совет Рус-
ской Православной Церкви, 2008.— 416 с.

В Минею дополнительную вошли службы, а также отдельные тропари,
кондаки и молитвы, утвержденные Священноначалием Русской Православной
Церкви. Большинство текстов переданы Синодальной Богослужбной комис-
сией в 1997–2004 годах в Издательский Совет для публикации.

плод целомудренныя чистоты; / радуйся, благодатствованный щедротами божественныя доброты; / радуйся, веры чистыя и незлобия дивное воплощение; // радуйся, постом и молитвою стяжавый Христово всепрощение.

О преблаженне отче Силуане, / Небеснаго Утешителя доринositелю предивный / и пламене любви Божия сосуде неистощимый, / тебе, припадающе, вопиём: / Егже всем сердцем возлюбил еси, / Егже ради в Горѣ Афонстей молитвою слезною за мир сраспинался еси, / не престаи и ныне умоляти / Церкви Святѣй от зол избавление даровати, / людем же, греховными соблазны обуреваемым, // мир и велию милость.

Слава, глас 6:

Веселися и радуйся, Горѣ Святая, / Вратарницы Небесныя омофором присно украшаемая, / Церковь Россійская, възграй, ликовствующи. / Нине христоролюбивии людие, / от восток солнца до запад, / вечери Агнца Божия приуготовляются, / Силуана богомудреннаго доброты порфирю украшаются. / С нимиже и мы, сему братолюбия учителю, / память празднующе, сладце вопиём: / радуйся, севера благодатное сияние, / в вертограде Афонстем Святѣя Руси светлое отражение; / радуйся, Ангеле молитвы слезныя, / Богу приносимыя о всей вселенней; // моли о нас Господа, братолюбием оскудевающих.

И ныне, праздника.

Таже вход. Прокимен дне. И чтенія.

Премудрости Соломоновы чтение (главы 5 и 6):

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, / зане десницею покрывает я и мышцею защитит их. / Приимет всеоружие рвение Своё и вооружит тварь в месть врагом. / Облечётся в броня правды и возложит шлем, суд нелицемерен. / Приимет щит непобедимый, преподобие. / Поострит же напрасный гнев во оружие; / споборет же с ним мир на безумныя. / Пойдут праволучныя стрелы молниины / и, яко от благокругла лука

облаков, на намерение полетят. / И от каменометныя ярости исполнь падут грады, / вознегодует на них вода морская, реки же потопят я нагло. / Спротив станет им дух силы, и, яко вихор, развеет их / и опустошит всю землю беззаконие, и злодейство превратит престолы сильных. / Слышите убо, царие, и разумейте, навикните, судий концев земли. / Внушите, держащие множества и гордящиеся о народах языков, / яко дана есть от Господа держава вам и сила от Вышняго.

Премудрости Соломоновы чтение (глава 3):

Праведных души в руке Божией, и не прикоснется их мука. / Непщевани быша во очесех безумных умрети, и вменися озлобление исход их. / И еже от нас шествие сокрушение, они же суть в мире. / Ибо пред лицем человеческим аще и муку примут, упование их безсмертия исполнено. / И в мале наказани бывше, великими благодетельствовани будут, / яко Бог искусит их и обрете их достойны Себе. / Яко злато в горниле искусит их и яко всеплодие жертвенное прият я. / И во время посещения их возсияют и, яко искры по стеблию, потекут. / Судят языком и обладают людми, и воцарится Господь в них во веки. / Надлежащие Нань разумуют истину и вернии в любви пребудут Ему. / Яко благодать и милость в преподобных Егѣ, и посещение во избранных Егѣ.

Премудрости Соломоновы чтение (глава 4):

Праведник аще постигнет скончатися, в покои будет. / Старость бо честна не многолетна, ниже в числе лет исчитается. / Седина же есть мудрость человеком, и возраст старости житие нескверное. / Благоугоден Богу быв, возлюблен бысть, и живый посреде грешник представлен бысть. / Восхищен бысть, да не злоба изменит разума его, или лесьть прельстит душу его. / Рачение бо злобы помрачает добрая, и парение похоти пременяет ум незлобив. / Скончався в мале, исполни лета долга. / Угодна бо бе Господеву душа его, сего ради потщася от среды лукавствия. / Людие же видевше и не разумевше, ниже положше в помышлении таковое. / Яко благодать и милость в преподобных Егѣ, и посещение во избранных Егѣ.

На стиховне стихиры, глас 2.**Подобен:** Егда от Древа:

Свѣтом невечѣрним Святѣя Троицы просвещен,/ ношъ житѣйскую без претыканія прешѣл еси,/ богомудре Силуане,/ видѣнии божественными возвышаяся,/ во двѣрех Бѣга Вышняго вселѣлся еси./ Тѣмже и нас наслѣдники Того соделаи, // святую твою память почитающих.

Стих: Честна пред Господем // смерть преподобных Его.

Земная вся оставив,/ богатство и славу яко прах вмѣнив,/ Гору Святую слезами твоими оросил еси / и, невозвратным желанием Единому Богу приближаяся,/ Сему ангельски послужил еси./ Егоже моли, преподобне, // в книзе жизни написатися почитающим тя.

Стих: Блажен муж, бойся Господа, // в заповедех Его восхощет зело.

Не престаи моляся, отче Силуане,/ о неключимых рабах твоих,/ ихже богомудренным твоим житием просветивый,/ Богу приразил еси, // да вси честно преставление твое светло почитаем.

Слава, глас тойже:

О всеблаженне отче Силуане,/ богатства некрадомаго стяжательно премудрый,/ молитву яко хлеб, слезы яко елей вмѣняя / и, якоже Павел богомудрый,/ о Кресте Господнем радуясь,/ Солнцу Правды горением любви утреневал еси; // стяжанию Духа Святаго нас научаеши прилежно.

И ныне, праздника.**Тропарь, глас 2:**

Серафимския любви ко Господу пламенный ревнителью / и Иеремии, о народе плачущему, / усердный подражателю, / всеблаженне отче Силуане, / ты бо, зову Матере Господа Сил внемляй, / змия греховнаго мужемудренно изрыгнул еси / и в Гору Афонскую от суеты мира удалился еси, / идеже в трудех и молитвах со слезами / благодать Святаго Духа обильно стяжав, / еюже сердца наша воспламени / и с тобою умильно зывать укрепил: / Господи мой, Жизне моя и Радосте Святая, // спаси мир и нас от всяких лютых.

И ныне, праздника.**НА УТРЕНИ**

**На Бог Господь: тропарь праздника, дважды.
Слава, святаго. И ныне, праздника.**

По 1-м стихословии седален, глас 5:

Горы и холмы, възграйте, пустыня Афонская, возвеселися, / днесь бо обитель целителя безсребреннаго, утреннюющи, песнь приносит Владыце: / воспойте Господеви песнь нову, яко дивна сотвори Господь, / возведет от нас к Едему горнему молитвенника за мир неусыпна, / Силуана богомудраго.

**Слава, и ныне, праздника,
или Богородичен, глас тойже:**

Потребися всяка печаль Рождеством Твоим, / и отъят Господь рыдание и плач и всяку слезу от лица земнородных, Чистая Богородице: / о Тебе, Неискусобрачная, и мы радости исполняемся.

По 2-м стихословии седален, глас тойже:

Погребл еси страстей востание умерщвлением плоти, преподобне отче, / радость жизни безконечная по смерти приял еси, / темже днесь Христова Церковь празднует твою досточудную память, / отцев Афонских украшение.

**Слава, и ныне, праздника,
или Богородичен:**

Оружием нас сладости греховных уязвленных и лежащих в ранах неисцельных, / Пречистая Богородице, не презри, но исцели / копием и Кровию распеншагося за ны Сына Твоего и Бога нашего.

По полиелѣи седален, глас 1.**Подобен:** Гроб Твой, Спасе:

От юности на гору безстрастия возшел еси, / и, яко ветвь масличная корене земли Россійския, / в пустыни Афонстей житием непорочным процвел еси, предивне отче Силуане, / и, яко новый тайновидец, благодать боговедения стяжал еси, / и дерзновением Илиным ко Господу зывал еси: / Господи, спаси мир, во зле обуреваемый.

**Слава, и ныне, праздника,
или Богородичен, глас тойже:**

Настави нас на путь покаяния, / уклоньшихся к
безпутием зол и Преплагаго прогневавших Господа, /
Неискусобрачная Преплагословенная Мати, / мира
всего и Горы Афонския надеждо непререкаемая.

**Таже степенна, 1-й антифон 4-го гласа. Прокимен,
глас 4: Честна пред Господем // смерть преподобных Его.
Стих: Что воздам Господеву о всех, яже воздаде ми?
Всякое дыхание: Евангелие от Матфея, зачало 43.**

По 50-м псалме стихира, глас 6:

Преподобне отче Силуане, / во всю землю изыде ве-
щание исправлений твоих, / тем на Небесех обрел еси
мзду трудов твоих, / демонския погубил еси полки /
и Ангельския достигл еси чины, / ихже житию без
порока поревновал еси; / дерзновение имея ко Христу
Богу, // мир испроси душам нашим и велию милость.

Канон праздника, глас 2, на 8 и святого на 6.

Канон святого, глас 5.

Песнь 1

**Ирмос: Спасителю Богу, / в мори люди немокрыми
ногами наставльшему / и фараона со всевоинством
потопльшему, // Тому Единому пойм, яко прославися.**

Ума чистотою зову Матере Господа Сил внемляй, /
змия, грех поражающего, изрыгнул еси, / и възграся
дух твой о Боже Спасе твоём, боголюбиве отче Силуане, /
Егоже моли о чтущих память твою.

К тебе, крест твой вземшему и на гору безрастия
возшедшему, / припадающе, молимся, всеблаженне: /
воспламени сердца наша ко всем любящему Богу, / пла-
менем любви твоея, в горении неугасающем.

Егоже возлюбил душа твоя, Семю уверился еси, / и к
Нему Единому прилепился еси, боголюбче, / и сие
искусителя злолукаваго души твоея покорил еси, /
трудом, бдением, смирением и слезною молитвою сего
посрамляя.

Господи Сил, освящаяй всякаго человека, гряду-
щего в мир, / даждь слово хваления устом моим, / да
превознесу Трисвятое имя Твое, дивно во святых Твоих

почивающее, / с нимиже и Силуан, возлюбленный
Твой, молит Тя о душах наших.

**Богородичен: Скорбных наведения обуревают убо-
гую мою душу, / и напастей облацы мое покрывают
сердце, Богоневесто, / но, Свет рождающая Божественный
и превечный, / возсияй мне свет радости, молитвами
Силуана, угодника Твоего.**

Песнь 3

**Ирмос: Силою Креста Твоего, Христе, / утверди мое
помышление, / во еже пети и славити // спасительное
Твое Воскресение.**

Кто исповесть страдания души твоея, преподобне
Силуане, / егда дух злобы поднебесныя претяше ти, /
от Господа удалить душу твою зложелая? / Сетей сего
лукаваго избави и нас, молитвенниче о всей вселенней.

Силою терпения и красотой смирения душа твоя,
всеблаженне, / храма Духу Святому устройся, сего
ради взывал еси: / о людие, творение Божие, познайте
Творца / и любовь к Нему прилепитесь.

Источник радостей твоих и средоточие мыслей твоих /
Имя Бога Вышняго бысть, отче Силуане, / к Нему при-
лепитесь и в Нем утвердитесь / молитвами твоими
помози нам, к тебе прибегающим.

Господи, Господи, даруй силу Твоея благодати, / да
познают Тебе вси людие Духом Святым, / взываем к
Тебе умильно, якоже возлюбленный Твой, / любовь к
Тебе распаляемый, Силуан предивный.

**Богородичен: Не умолчу вопити яснейше величия
Твоя: / аще бо не Ты, Отроковице, / всегда предстояла,
молящи о мне Сына Твоего, / кто бы толика буре и
лютых бед избавил мя?**

Кондак и икос праздника.

Седален, глас 4:

**Жаждею по Боже возревновав, отче наш Силуане,
землю отеческую оставил еси, / и со пустыннолюбцы
Горы Афонския / длани твоя поработати Господеву
всеусерднейше распростерл еси, / идеже равноангель-
скими труды твоими вертоград Владычицы мира пре-
украсил еси / и, яко благовоение, Церкви Вселенстей**

возблагоухал еси, / лозо винограда новаго, Духом Святым облагодатствованная.

**Слава, и ныне, праздника,
или Богородичен, глас тойже:**

Несть возможно исчислити величия Твоя, Богородице, / ниже изрещи неизследимую паче ума силу чудес Твоих, совершаемых вину, / любовь Ты чтущим и верою поклоняющимся, / яко войстину Бога рождшей.

Песнь 4

Ирмос: Услышах слух силы Креста, / яко рай отверзся им, / и возопих: // слава силе Твоей, Господи.

Яко пчела трудолюбная, постом и молитвою к Богу прилежал еси / и Богородицу Пречистую мир не оставляя слезно умолял еси, / отче преподобне, не престаи и ныне о нас молиться, / яко имаши дерзновение велие.

Кладязь новый благодати неисчерпаемая в Горы Афонстей явился еси, всеблаженне, / из негоже, паче меда и сота, / сладость любви Христовы Духом Святым источается, / еуже в горести греховней услади сердца наша.

Господу, рекшу: идеже есть сокровище ваше, ту будет и сердце ваше, — / благоволи убо, о всеблаженне, с тобою Тому зывать: / Господи, Духом Твоим Святым даждь сердцу моему жажду, / да никогдаже Тобою насыщуся.

Яко жертву благовонную и непорочную, / принеси молитвы твоя за ны ко Пресвятей Троице, преподобне отче наш, / и милости испроси ненавидящим и враждующим на нас, / и их и нас избави от всякия скорби и печали.

Богородичен: Тя, Чистую, Тя, Деву Нескверную, едину имам стену неборимую, / прибежище, покров крепок, оружие спасения, / не презри мене, блуднаго, надеждо ненадеемых, / немощствующих помощи, радости оскорбляемых и заступление.

Песнь 5

Ирмос: Утренююще, вопием Ти: / Господи, спаси ны, / Ты бо еси Бог наш, // разве бо Тебе, иного не знаем.

Ты, Господи, создал мя еси и святым Крещением просветил мя еси, / Ты прощаеши грехи моя и даруеши

причащаться Тела Твоего и Крове, / даруй ми силу всегда пребывать в Тебе, / Силуаново рыдание приношу Ти, Боже наш.

Ума моего омрачение и страстей телесных обуревание / твоими молитвами, всеблаженне, просвети и утиши, / якоже дерзнул еси укротити волны морския, / не терпя видети рыбаки гибельными ветры обуреваемы.

Недостойными усты приносимое тебе убогое хваление наше, преподобне, не презри, / но прими и воспевających память твою молитвою посети, / бед и напастей и вечнаго мучения избави, / да не постыдимся, на тя уповающе.

Якоже горлица пустыннолюбная, от стражи утращения до нощи / воспевати Троицу Единосущную и Нераздельную / со пустыннолюбцы Горы Святыя прилежал еси, отче Силуане, / умилоствления мертвым, живым и грядущим ходатайствуя.

Богородичен: Кий дар благодарения принесу Ти, Богородице, / яко насладихся Твоих дарований и Твоея безмерныя благодати? / Темже убо песнословлю и величаю / Твою неизреченную ко мне милость.

Песнь 6

Ирмос: Обиде мя бездна, / гроб мне кит бысть, / аз же возопих к Тебе, Человеколюбцу, // и спасе мя десница Твоя, Господи.

Святителие и священницы, иноцы и вси людие, / радующиеся, вкупе прославите Бога и Пречистую Матерь Его, / кадило новое, молитву чистую Силуана, пламенем Духа Святаго горяща, / у Престола Небеснаго за нас приивших.

Возвеселися, Горы Афонская, со пустыннолюбцы твоими / и во псалмах и пениях и песнях духовных воскликни Богу: / да угоден будет пред Лицем Твоим верный слуга Твой, / егоже молитвами благодать новая Церкви Святей даровася.

Приидите, вси вернии, со пустыннолюбцы Горы Святыя, / память праведнаго с похвалами почтим, зывающе: / возносите Господа Бога нашего и поклоняйтесь в горе святей Его / дивно во святых Своих Почивающему.

Боже, кто уподобится Тебѣ?/ Ты Единъ Вышній по всей землѣ./ Мы же, равноангельному смиренію раба Твоего внѣмлюще,/ образу и подобію Твоему Духом Святым чаем обновитися.

Богородичен: Не скрѣю глубины Твоихъ щедротъ, и тока безмѣрныхъ чудесъ,/ и источника приснотекущаго войстину еже ко мне милости Твоея, Богородице:/ но всемъ исповѣдую, и вопію, и вещаю.

Кондакъ, глас 2:

Смирномудрія исповѣдниче предивный/ и человеколюбія Духомъ Святымъ согреваемая доброто,/ Богу возлюбленне Силуане,/ о подвизе твоѣмъ Церковь Россійская радуется,/ иноцы же Горы Афонскія и вси христіанстїи людіе,/ веселящеся, сыновнею любовію к Богу устремляются./ Егѣже моли о нас, равноангельне боговѣдче, // во еже спастися нам, в горѣнии любвѣ тебѣ подражающимъ.

Икос:

Имѣя богатство благодати, во еже духомъ на Небеса возведену бѣти,/ войстину радости неизреченныя сподобился еси, отче преблаженне Силуане./ Егда бо, вне образовъ міра, в созерцаніи безмѣрно любящаго Христа Бога Лице видети сподобился еси,/ тогда, Духомъ Святымъ укрепляемъ,/ в вертоградѣ Препоблагословенныя Богоматере Тому всеусерднейше послужилъ еси./ Егѣже моли, равноангельне боговѣдче,/ во еже спастися нам, в горѣнии любвѣ тебѣ подражающимъ.

Песнь 7

Ирмос: В пещи огненной/ песнословцы спасый отроки, // благословенъ Богъ отецъ нашихъ.

Иго благое, бремя легкое Христа Спаса вземъ,/ и ветрилломъ Духа Святаго, в страхе божественномъ,/ к пристанищу благоотпущному корабль душевный твой управилъ еси, отче Силуане,/ монахомъ, в подвизе изнемогающимъ, образе предивный.

Како не дивимся смиренію и человеколюбію твоему, Силуане предобре,/ видяще тя слезы источающа/ и о сущихъ во аде и нераскаянныхъ грѣшницахъ рыданьми сраспинающася,/ врагомъ же своимъ прощѣнія просяща, всепрощѣнію Христову подражающа?

Псаломски восклицая: видена быша шествія Твоя, Боже,/ шествія Бога моего и Царя, Иже во святемъ,/ Сего войстину в лице отца духовнаго Авраамія зрѣти сподобился еси,/ чтити наставники наша благодатне насъ наставляя, Силуане боговѣдче.

Образ начертанийъ добродѣтельныхъ деяній сый,/ смиренъ же, и кротокъ, и наставникъ добрый монашествующимъ в Горѣ Афонстей показался еси, Силуане,/ сего ради монаси и мирстїи/ предстательству твоему предъ Богомъ вверяются.

Богородичен: Покровъ буди, и предстательство, и заступленіе, и похвала, Дѣво,/ обнажену мне ныне всякия помощи,/ безпомощныхъ силѣ и надеждѣ ненадеемыхъ,/ Силуана молитвами, солнца теплейшими.

Песнь 8

Ирмос: Изъ Отца прежде векъ рожденнаго Сына и Бога/ и в послѣдняя лета воплощеннаго отъ Дѣвы Матере,/ священницы, пойте, // людіе, превозносите во вся вѣки.

Воздеяніе рукъ нашихъ приими, преподобне,/ Владычней благодости подобяся, прегрѣшенія наша презирая,/ ты бо душу твою уязвилъ еси Христовою любовію и Пречистыя Егѣ Матере,/ Еюже умоли спасти души наша.

Яко кринъ предивный и сапфиръ пречудный,/ в вертоградѣ Пречистыя процвелъ еси, преподобне Силуане,/ Владыце твоему Христу смиренно ревнуя, выше бо человека восприемъ житіе,/ имже многихъ души Господу приводиши.

Войстину носитель даровъ Святаго Духа былъ еси/ и, различными добродѣтелями украшенъ, Силуане,/ смиреніемъ горнюю высоту наследивъ, ничетѣю Небесное богатство изрядно приялъ еси./ Наслѣдники сего покажи ны, молитвами твоими.

Сіянія Божественнаго и Духа Святаго сладости причастика показатъ Господь, отче Силуане,/ егда в неизреченномъ Фаворстѣмъ сіяніи ты посетилъ еси./ Зрѣти славу Сего в свете блистанія Божества Егѣ/ сподоби и насъ, молимтися.

Богородичен: Пречистая Владычице, Небесныхъ Силъ превышшая,/ рождающая Спаса, всехъ Содетеля, Единосущна Отцу и Духу,/ даждь намъ слово, Препѣтая, яко да возможемъ пѣти Тя,/ сущую Заступницу рода нашего.

Песнь 9

Ирмос: *Тя, паче умá и словесé Мáтерь Бóжию, / в лéто Безлётнаго / неизречéнно рóждшую, // вёрнии, едино-мúдренно величáем.*

В житий подвижника предивна, по смёрти же молитвенника / и сострадáтеля за ны пред Бóгом изрядна познахом тя, преподóбне, / егда иеродиáкона Давида, смертёльне отравлена, посещéнием твоим внезапу исцелил есй, / покаяния время сему исходáтайствовав усёрдно.

Земли Россйския сосуде избáнный и Горы Афóнския подвижнице нóвый, / угóднице Бóжий Силуáне, простри длáни твоя за ны ко Гóсподу / и, яко миро благовóнное, молитвы вознеси, / да спасёт от смёрти дúши нáша.

Ангелом единопáвна и святým сопричáстна / к гóрному Сиóну призвá тя Госпóдь, преподóбне, / идéже вознеси молитвы твоя за ны ко всех Владыце, / ходáтайствуя о Святéй Цёркви и о нас, чтúщих пáмать твою сладкопéсненно.

Огнём купину не опалившего и пламенными языки Цёрковь Христóву освятившаго, / смирения твоего ради, Дúхом Святým возжжён был есй, óтче предивне, / да житиём несквёрным научиши ны поклонятися Троице, всех Бóгу, / пламенем любве твоея к Нему приближающихся.

Богородичен: Яко всех Царицу и Владычицу нáшу, / Тя любóвию славим, Пречистая Дéво, / просвещиися Страстми Сына Твоего и познавшии Сего всем Благодéтеля. / Слава благодáти Его во вся веки.

Светилен, глас 4:

Свёта немеркнушаго блистáнием украсился есй, преподóбне óтче наш Силуáне, / и предстоиши вечно престóлу славы Триеди́наго Божества, о Дúсе Святém ликовствуй. / Благодáти сея испроси и нам, / да молитвами твоими причáстницы жизни вéчныя бóдем.

Слава, и ныне, праздника, или Богородичен, глас тойже:

Осиянием Твоим просвети нáша помышления, и сердца, и разум, Мáти Безневéстная, / яко да стезями

жизни пáво ходяще, милость приобретаем, / возвещáюще присно хвалы Твоя.

На хвалитех стихиры святаго на 4, глас 4:

Подобен: Дал еси знамение:

Любве Бóжия пламенный рачителю / и Дúха Святаго усёрднейший стяжáтелю, / преподóбне óтче Силуáне, / Егóже ветрилы / страсти душевныя в сёрдцы твоём, / яко на мельнице, истёрл есй, / и сйце хлеб áнгельский вкусив, / тёмже, икономе добрейший, питаеши и нас, // да причáстницы жизни вéчныя бóдем.

Кладязь нóвый, / воды живыя преисполненный, / в Горé Афóнстей источися, / слёзы молитвы твоея, преподóбне Силуáне, / ихже, яко миро нáрда чиста многоценна, / у ног Гóспода нáшего источал есй, / мёртвым, живым и грядúщим умилоствления прося. / Сея молитвы не лишй и нас, преподóбне, // в мóри житейстем грехми обуреваемых.

Образ смирения Христóва и любве Егó / житиём твоим показал есй, преподóбне, / слéзно взывая: / брáтие, любите враги вáша, / сии бо суть брáтия вáша, / враг же наш диáвол есть, / сйце бо средостение грехá разрушáется, и злоухищрения диáвола побеждаются, / и мир Бóжий в человецех водворяется, // творящие же сйя не подвижатся в пáвде Бóжией во веки.

Свещу, мрак грехóвный просвещающую, / показá тя Госпóдь, боголюбиве Силуáне, / да к тебе, человеколюбием избóилующу, / за томящихся во áде страдáти желающую, / в надежди спасения припадающе, вопиём: / слез твоих теченьми очисти прегрешения нáша / и исцели дúши нáша, / да не лишени бóдем любве Христóвы, // егда явится в День Сýдный.

Слава, глас 6:

Приидите, вси Христóу любóвию úтреннююще, / да радости подвижника предивнаго причáстницы бóдем: / ныне Áнгели на Небесéх / и человецы на земли радуются, / се бо Пречистая Мáти / от юдоли грехóвныя, / яко овчá обретенное, / Силуáна, смирением украшена, / во двор овец Христóвых приведе, / величие егó подвига веры, / яко жёртву непорóчную, / во Святáя Святых

вознесё,/ да видяще, како любит Господь верных Своих,/ и мы Царствию Христову приобщимся.

И ныне, праздника.

Славословие великое. И отпуст.

НА ЛИТУРГИИ

Блаженны праздника, песнь 7-я и 8-я, на 4, и святого, песнь 6-я, на 4. Прокимен, апостол, аллилуия и причастен преподобного. Евангелие от Луки, зачало 24.

Молитва

О предивный угодниче Божий, отче Силуане! По благодати, тебе от Бога данной, слезно молиться о всей вселенной, мертвых, живых и грядущих, не премолчи за нас ко Господу, к тебе усердно припадающих и твоего предстательства умоли просящих. Подвигни, о всеблаженне, на молитву усердную Заступницу рода христианского, Препоблагословенную Богородицу и Приснодеву Марию, чудно призвавшую тя быти верна делателя в Ея земнем вертограде, идеже избранницы Божии о гресех наших милостива и долготерпелива быти Бога умоляют, во еже не помянути неправд и беззаконий наших, но, по неизреченней благодати Господа нашего Иисуса Христа, ущедрити и спасти нас по велицей Его милости. Ей, угодниче Божий, с Препоблагословенною Владычицею мира, Святейшею Игумениею, и святыми подвижниками Ея земнаго жребия, испроси у святых Святейшаго Слова Святей Горы Афонстей и боголюбивым пустынножителем ея от всех бед и наветов вражиих в мире сохранитися, да Ангелы святыми от зол избавляеми и Духом Святым в вере и братолюбии укрепляеми, до скончания века о Единой, Святей, Соборней и Апостольстей Церкви молитвы творят и всем спасительный путь указуют, да Церковь земная и Небесная непрестанно славословит Творца и Отца Светов, просвещаючи и освящаючи мир в вечней правде и благодати Божией. Наро́дом всего́ мира испроси благоденственного и мирнаго жития, духа смиренномудрия и братолюбия, добронравия и спасения, духа страха Божия, да не злоба и беззаконие ожесточают

сердца людская, желающе истребити любовь Божию в человецех и низвергнути их в богопротивныя вражду и братоубийства, но в силе Божественныя любви и правды, якоже на Небеси, и на земли да святится имя Божие, да будет воля Его святая в человецех и да воцарятся мир и Царствие Божие на земли. Такожде и земному Отчеству твоему, земли Российстей, испроси, угодниче Божий, возжеленнаго мира и Небеснаго благословения, во еже, всемо́щным омофо́ром Матере Божия покрываему, избавитися ему от глады, губительства, труса, огня, меча, нашествия иноплемеников и междоусобных брани и от всех враг видимых и невидимых, и тако же быти ему до скончания века святейшему дому Препоблагословенныя Богородицы, Креста Животворящаго силою, и в любви Божией неоскудеваему утвердиться. Нам же всем, во тьму грехов погружаемым, и покаяния тепла, ниже страха Божия не имущим, и сице безмерно любящаго нас Господа непрестанно оскорбляющим, испроси, о всеблаженне, у Всещедраго Бога нашего, да Своєю всеильною благодатию Божественно посетит и оживотворит души наша и всяку злобу и гордость житийскую, уныние и нерадение в сердцах наших да упразднит. Еще молимся, о еже и нам, благодатию Всесвятаго Духа укрепляемым и любовью Божиею согреваемым, в человеколюбии и братолюбии, смиренномудрии и молитвенном сраспирании друг за друга и за всех, в правде Божией утвердиться, и в благодатней любви Божией благонаравно укрепиться, и сынолюбне Тому приблизиться. Да тако, творяще Его всевятую волю, во всяком благочестии и чистоте, временнаго жития путь непостыдно преидем и со всеми святыми Небеснаго Царствия и Его Агнчаго брака сподобимся. Ему же от всех земных и Небесных да будет слава, честь и поклонение, со Безначальным Его Отцем, Пресвятым и Благим и Животворящим Его Духом, ныне и присно, и во веки веков. **Аминь.**

Преподобный Силуан Афонский († 1938) (в миру — Симеон) родился в 1866 году в Тамбовской губернии в благочестивой семье крестьянина Иоанна Антонова. С юности Симеон пожелал принять постриг. Однако отец настоял,

чтобы сын сначала поступил на воинскую службу. В армии с особой силой проявился дар его мудрого совета.

Незадолго до окончания воинской службы, которую Симеон проходил в Санкт-Петербурге, он решил испросить



благословения у отца Иоанна Кронштадтского. Не застав его, оставил записку со словами: «Батюшка, хочу пойти в монахи; помолитесь, чтобы мир меня не задержал».

Осенью 1892 года Симеон прибыл на Святую Гору и был принят послушником в Русский Пантелеимонов монастырь. Он воспитывался в атмосфере афонской духовной традиции: дни проводил в непрестанной молитве Иисусовой, длительных богослужениях, в посте, частой исповеди и причащении Святых Христовых Таин, в чтении духовных книг и труде. Послушанием его была тяжелая работа на мельнице, затем хлопотливый

труд эконома, заведование мастерскими, продовольственным складом, а на склоне лет — торговой лавкой. В 1896 году он был пострижен в мантию с именем Силуан, а в 1911 году — в схиму с оставлением прежнего имени.

Прожив сорок шесть лет в обители с общежительным уставом, преподобный никогда не стремился к уходу в затвор или удалению в пустынь. Постоянно находясь среди людей, старец хранил ум и сердце от мирских помыслов, для молитвенного предстояния Богу, зная, что это самый краткий путь ко спасению. Вся жизнь его была сердечной молитвой «до великих слез». В этой молитвенной устремленности он достиг такого духовного состояния, при котором провидел происходящее и прозревал будущее человека, открывая тайны душ и призывая всех вступить на путь спасительного покаяния. 11 сентября 1938 года старец Силуан мирно скончался.

В 1988 году Константинопольской Православной Церковью преподобный Силуан причислен к лику святых; Русская Православная Церковь канонизовала преподобного в 1991 году. Однако задолго до его канонизации прибывавшие в Пантелеимонов монастырь паломники совершали поклонение честной главе старца, покоящейся в Покровском храме обители, с верой в его молитвенное предстательство пред Господом. Духовно врачуют души верующих и писания преподобного Силуана о сущности христианской жизни и монашеского делания, переведенные на многие языки и получившие большую известность.



МЕСЯЦА СЕНТЯБРЯ В 26-й ДЕНЬ

Святителя Тихона,
Патриарха Московскаго и всея Руси

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, возвах: стихирь, глас 6:

Земля Псковская прославися, / яко в малем селении Клине / от благочестиваго корене плод благочрасен прозябе, / Василий, отроча благонравное, / святителю Великому тезоименитое. / В сем же имени велий, яко царственный, // путь ему преднаречеса.

Благочестивый иерей Иоанн, / отец твой, святителю, / откровения дивнаго сподобися, / егда матери его почившая / во сне ему явися / и ты, еще ти отроку сущу, / единого от трех братьий // велика преднарече.

Измлада церковь Божию возлюбив / и благочестия вожделев, святе, / в духовнем вертограде / во слове Божии, / отеческих и благочестивых писаниих // начат поучатися.

Что убо сотворю, / ким образом жития моего / Тебе, Владыце и Богу, добре послужу, / кими подвиги, Тебе содействующу, / душу мою от грех очищу? — / в меру возраста пришед, // слезно зывал еси ко Господу, блаженне Тихоне.

Слава, глас 8:

Путь девства, нищеты, / своей воли отсечения / избрал еси, блаженне, / иноческое пострижение приим, / в немже именем Тихон наречен бе, // да путем благочестия святителя Задонскаго шествуеши.

И ныне, Богородичен, глас тойже: Царь Небесный:

Вход. Прокимен дне. И чтения.**Притчей чтение (главы 10, 3 и 8):**

Па́мь прáведнаго с похвала́ми, и благослове́ние Господне на главе́ его́./ Блаже́н челове́к, иже обре́те пре-мудро́сть, и сме́ртен, иже уве́де ра́зум./ Лу́чше бо сию́ купова́ти, неже́ли злата́ и сребра́ сокрови́ща./ Честне́йшая же е́сть ка́мений многоце́нных, все же честное́ недостойно́ ея́ е́сть./ Долгота́ бо дней и ле́та живота́ в десни́це ея́, в шу́йце же ея́ бога́тство и сла́ва./ От уст ея́ исхо́дит пра́вда, зако́н же и ми́лость на язы́це но́сит./ Послу́шайте у́бо мене́, о ча́да, честна́я бо реку́: и блаже́н челове́к, иже пу́ти моя́ сохра́нит;/ исхо́ди бо мой — исхо́ди живота́, и уго́товляется хоте́ние от Го́спода./ Сего́ ра́ди молю́ вас и предлага́ю мой глас сыновом́ челове́ческим:/ я́ко аз, премудро́сть, устро́их сове́т, и ра́зум и смысл аз призва́х./ Мой сове́т и утвержде́ние, мой ра́зум, моя́ же кре́пость./ Аз мене́ любя́щия люблю́, ищущи́и же мене́ обря́щут благода́ть./ Разуме́йте у́бо, незло́бви́и, кова́рство, ненака́занни́и же, прилага́йте серде́ц./ Послу́шайте мене́ и па́ки, честна́я бо реку́: и отве́рзу от усте́н пра́вая./ я́ко и́стине поучи́тся горта́нь моя́, ме́рзки же предо мно́ю устны́ лжи́выя./ С пра́вдою вси глаго́лы уст мои́х: ничто́же в них стро́потно, ниже́ развра́щенно./ Вся пра́ва суть разумева́ющим и про́ста обрета́ющим ра́зум./ Научу́ бо вас и́стине, да бу́дет о Го́споде наде́жда ва́ша, и испо́лнитеся Ду́ха.

Притчей чтение (главы 10 и 11):

Уста́ прáведнаго ка́плют премудро́сть, язы́к же непра́веднаго поги́бнет./ Устне́ муже́й прáведных ка́плют благода́ти, уста́ же нечестивых развра́щаются./ Ме́рила льсти́вая ме́рзость пред Го́сподем, вес же прáведный приятен Ему́./ Иде́же а́ще вни́дет досажде́ние, та́мо и безче́стие, уста́ же смире́нных поуча́ются премудро́сти./ Соверше́ние пра́вых наста́вит их, и поползнове́ние отрица́ющихса упасе́т их./ Не по́льзуют имене́ния в день я́рости, пра́вда же изба́вит от сме́рти./ Умер прáведный оста́ви раская́ние, нару́чна же быва́ет и посмея́тельна нечестивых па́губа./ Пра́вда непоро́чнаго исправля́ет пу́ти, в нече́стие же па́дает неправда́./ Пра́вда муже́й пра́вых изба́вит их, безсове́тием же пленя́ются беззако́нни́и./ Сконча́вшуся му́жу прáведну, не поги́бнет

наде́жда, похвала́ же нечестивых поги́бнет./ Пра́ведник от лова́ убе́гнет, вме́сто же его́ преда́ется нечестивый./ Во усте́х нечестивых сеть гра́жданом, чу́ство же прáведных благоспе́шное./ Во благо́их прáведных испра́вится град, и в поги́бели нечестивых ра́дование./ Во благослове́нии пра́вых возвы́сится град, усты́ же нечестивых раскопа́ется./ Руга́ется гра́жданом лише́нный ра́зума, муж же му́дрый безмо́лвие во́дит.

Премудрости Соломоновы чтение (глава 4):

Пра́ведник а́ще пости́гнет сконча́тися, в поко́и бу́дет./ Ста́рость бо честна́ не многоле́тна, ниже́ в числе́ лет исчита́ется./ Седи́на же е́сть му́дрость челове́ком, и во́зраст ста́рости жити́е нескве́рное./ Благоуго́ден Бо́гови быв, возлю́блен бы́сть, и живы́й посреде́ греше́ник предста́влен бы́сть./ Восхи́щен бы́сть, да не зло́ба измени́т ра́зума его́, или́ леть прельсти́т ду́шу его́./ Раче́ние бо зло́бы помрача́ет добра́я, и паре́ние по́хоти пременя́ет ум незло́бив./ Сконча́вся вмале́, испо́лни ле́та до́лга./ Уго́дна бо бе Го́сподеви ду́ша его́, сего́ ра́ди потща́ся от сре́ды лука́вствия./ Лю́дие же ви́девшие и не разуме́вшие, ниже́ по́ложше в помышле́нии тако́вое./ Я́ко благода́ть и ми́лость в преподо́бных Его́, и посеще́ние во избра́нных Его́.

На литии стихирь, глас 3:

Во гра́де Торопце́, во хра́ме Бо́жии,/ иде́же роди́тель твой служа́ше,/ благоче́стию в ю́ных ле́тех// поуча́лся еси́, святите́лю.

Тих нра́вом,/ кро́ток и смире́н се́рдцем/ вои́стину пред Бо́гом и лю́дьми яви́лся еси́,/ и́го Христо́во чрез все жити́е до́бре пронеси́й,/ во оби́телях Небе́сных упоко́ился еси́, блаже́нне,/ моли́ся ны́не и о нас,/ да и мы, на земли́ до́бре пожи́вшие,// Ца́рствия Бо́жия насле́дницы бы́ти сподо́бимся.

Слава, глас 8:

Бог тя возвели́чи, святите́лю о́тче Тихоне́,/ первоиера́рха Це́ркве Своея́ поста́вив,/ ты же, жре́бий служе́ния сего́/ я́ко во́лю благо́ю Его́ воспри́им,/ в первосвя́тительстве́м по́двиге тво́ем/ при́сно ревновал еси́ о сла́ве/ Отца́ и Сы́на и Свята́го Ду́ха,// Троби́цы Единосу́щныя и Неразде́льныя.